



## 20. ԷՐԿՈՒ ԱՂՊԵՐ

Ժամանակով մի թագավոր կար, էրկու տղա ուներ: Օրերից մեկ օր թագավորն ու թագուհին, իրանց էրկու տղի հետ, իրանց բալկոնումը նստած ին, թամաշ ին անում դպա բախչեն: Բախչումը մի բարդի ծառ կար, էդ ծառի վրեն լակլակի բռն կար, ամեն վախտ լակլակը ըտեղ էր ըլնում: Էկավ գարունքը լակլակը էրկու ճուտ հանեց, մի քանի օրից եղը էդ ճուտերի մերը սատկեց: Լակլակը մի քանի օրից եղը զնաց, մեկը բերեց: Էդ թագավորի, թագուհու թամաշ արած վախտը ըդրանց խորթ մերը ճուտերին ծեծեց, սատկացրեց, քցեց բնից ներքև:

Թագավորն ու թագուհին որ էս տեհան, մի թավուր էլան, թագուհին ասեց.— Նս էլ որ մեռնեմ, դու կէթաս ուրիշ կնիկ կբերես, քու տղեքանցդ էդ օրը կքցի:

Մարդ ու կնիկ իրար խոսք տվին, որ մարդը մեռնի՝ կնիկը չպսակվի, կնիկը մեռնի՝ մարդը չպսակվի:

Էկավ մի միջոց մնաց, թագավորի կնիկը մեռավ. էկան վեթիկ-վեղիրը կաննեցին, թե.— Պտի՛ պսակվես, թագավոր:

Թագավորն ասեց, թե.— Նս ուխտ եմ արե, որ չպսակվեմ:

Իլլաշ չէլավ, բերին զոռով պսակեցին: Պսակվելուց եղը մի քանի օր արանքը անց կացավ, վեղրի կնիկը, նագրի կնիկն էկան տեսություն ու հարցրին, թե.— Ըսկի քու տղեքը քու մոտը գալի՞ս են՝ քեզ տենալու:

Ասեց.— Ինձ տղա ո՞րդիան ա:

Ասեցին.— Ախար էրկու լավ տղա ունես:

Ասեց.— Հարցնում եմ թագավորին, ասում ա շունեմ:

— Ո՛նց շունի, էրկու տղա ունի, ուսումնարանումն են:

Հոռնք թողացին գնացին: Թագավորը, որ իրիկունը էկավ առն, թագուհին ասեց.— Բա՛ ասում ես՝ ինձ տղա շունեմ:

Թագավորն ասեց.— Տղա շունեմ:

Կնիկն ասեց.— Չէ՞ որ ուսումնարանումը կարդում են, ինձ խի՞ ես խաբում, ինձ խորթի տեղ ես դնում, հա՛, տղեքդ չես բերում՝ տենամ:

Թագավորը խոստացավ, որ տղեքանցը բերի, տենա:

էգսի օրը մենծ տղին թամբահ արեց, վե կացավ էկավ, ոնց որ իրա ծնող՝ գնաց ձեռը պաշեց:

Մերը տեհավ տղեն շատ սիրուն ա, երիտասարդ ժամանակը, սիրահարվեց, ասեց.— Ես քու հորդ շե՛մ առե, ես քեզ հմար եմ էկե:

Տղեն ասեց.— Չէ՛, դու իմ ծնող մերն ես:

Շատ ասելուց եղը, տեհավ որ տղեն կամք չտվեց, գլուխ-մուխը քանդոտեց, էրես-մերեսը ճանկտաւեց, վե կացավ յա՛լա թագավորի կուշտը, ասեց.— Ո՛չ դու ըլնես, ո՛չ քու թագավորութունը, ո՛չ քու տղեն, էս ի՞նչ ա իմ հալը, ինձ քե՞ղ հմար էս բերե, թե քու տղի՞ հմար:

Հերը բարկացած հրամայեց, որ տղին կանչեն, գլուխը տան:

Վեքիլ-վեզիրն ասեցին.— Թագա՛վոր, կարող ա սուտ ըլնի, եդի կնիկ ա, ընչի հմար ես առանց քննությունի գլուխը կտրում:

Վեզիրը թաքուն մարդ ա ղրկում, տղին իմաց ա տալի, որ հերը վրին բարկացել ա, գլուխը պտի կտրել տա, քանի թեզ ա, փախնի:

Տղեն էկավ խուրջընի էրկու աչքը ոսկի լցրեց ու ձին նիւլավ, փախավ գնաց: Գնաց, մի տեղ շաղիւր տվեց, նստեց:

Խաբարը տանք պուճուր աղպորիցը:

Պուճուր աղպերը եբոր լսեց աղպոր գլխի էկածը, ասեց.— Քա՛նի թեզ ա, ես է՛լ փախնեմ, թե չէ իմ գլխին էլ էն օյինը կհաղաւ: Էկավ, մի խուրջին ոսկի վե կալավ, ձին նիւլավ, գնաց:

Գնաց, գնաց, հասավ աղպորը: Երոր հասավ աղպորը՝ աղպերն ասեց.— Դո՛ւ էլ էկա՛ր:

Ասեց.— էլ ես մնալի ի՛նչ անեի, էգուց էդ օյինը իմ գլուխը պտի հաներ:

Վե կացան, շաղիրը քանդեցին, ձիանը նիլլան, գնացին: Շատ գնացին, քիչ գնացին, էդ պուճուր աղպերը շատ ծարավացավ, մենժ աղպորն ասեց.— Ես ծարավ մեռա:

Աղպերն ասեց.— Ի՛նչ անեմ, ըստեղ ջուր չկա:

Ասեց.— Ես մեռա, հմի ձիուցս վեր կընկնեմ, ուշս էթում ա:

Ասեց.— Մի քիչ էլ քեզ պահա՛, հրեն շայր-շիման ա էրևում, կարելի ա ընտեղ ջուր ընի:

Գնացին, տեհան, որ աղպուր կա, պուճուր աղպերը իրան ձիուցը վե քցեց, հասավ ջրին:

Մենժ աղպերն ասեց.— Բո՛ւ ա խմես, քեզ կվնասի:

Ասեց.— Թո՛ղ մի կուշտ խմեմ, ես մեռա՛:

Մենժ աղպերը ըտեղ լվացվեց, դինջացավ, նոր ջուր խմեց:

Մին էլ տեհավ, որ պուճուր աղպերը վեր ընկավ ու «մեռա՛, հա՛, մեռա՛» բղավեց:

Մենժ աղպերը հասավ, աչքերը տրորեց, էրեսը տրորեց, տեհավ, իլլաջ շէլավ՝ պտի մեռնի, ասեց.— Աղպե՛ր, էթամ մի հեթիմ բերեմ քեզ հմար:

Բերեց աղպոր խուրջինը դրեց գլխատակը, ձին էլ մոտին կապեց, ինքն իրա ձին նիլլավ գնաց: Շատ գնաց, քիչ գնաց, հասավ մի քաղաք: Տեհավ Դուլվաթ-դուշին բաց են թողե, թաղավոր են հընդրում. ինքն էլ գնաց մի դրաղ տեղ կաննեց, թամաշ ա անում: Դուլվաթ-դուշին բրախ տվեցին, ման գալով, ման գալով էկավ, էդ տղի գլխին կաննեց: Ղուշը վե կալան, էլի բրախ տվին. էլի էկավ էդ տղի գլխին կաննեց: Երոր էկան Ղուշը տանելու, էդ տղի վրին բարկացան, տարան մի օթախ քցեցին, դուռը շինեցին: Ղուշը էլի գնաց բովսարովը մտավ՝ տղի գլխին կաննեց: էկան, վե կալան, տարան համամ, թագավորական շորերը հագցրին, դրին թագավոր:

Խաբարը տանք պուճուր աղպորիցը:

Պուճուր աղպերը ըտեղ շատ պառկեց, մեկ էլ տեհավ մի բազըրգյան էկավ, դըթի գլխիցը տեհավ աղպրի կշտին մի ձիավոր պառկած ա:

Գյաղին ասեց.— Մի գնա տե՛ս, էն ի՞նչ մարդ ա, կարող ա գող ըլնի՝ մեզ վնասի:

Գնաց, էկավ, ասեց.— Մի մարդ կա՝ ընդի մեռած ա:

Բազրգյանն էկավ ձիուցը վեր էկավ, տեհավ տղի ուշը գնացել ա, ասեց.— Էրևում ա ջուր ա խմել, վնասել ա:

Բերեց սրան ֆոտ տվեց, մասնավոր ուշն էկավ վրեն, ջուր տվեցին էրեսին, լվացվեց, վե կացավ, նստեց ձին, բազրկյանը հաց տվեց, կերավ:

Բազրգյանն ասեց.— Արի՛ քեզ շինեմ ինձ տղա, ինձ ժառանգ չունեմ:

Ասեց.— Զէ՛, ես պտի էթամ իմ աղպորը ման գամ դռնեմ:

Վե կացավ, շնորհակալություն արեց էդ բազրգյանիցը, ձին նիւլավ՝ գնաց: Շատ գնաց, քիչ գնաց, հասավ էն քաղաքը, որ աղպերը ըտեղ էր: Երբ որ հասավ՝ մութն ընկած էր, դռնապանը դարվաղեն շինում էր. շատ աղաչանք արեց, որ թողա, մննի քաղաքը, տեհավ չէլավ, խուրջնի բերանը բաց արեց, մի բուռ ոսկի տվեց, դռնապանը դուռը բաց արեց, տարավ իրան դռնաղ: Գշերվա կիսին դռնապանը կացինն առավ, ընկավ էդ տղի ջանին, ջարդեց, էլ հալ չթողաց, փախաւ մեջ կոլուեց, տարավ համամի դուռը վե քցեց, թողաց էկավ, մի խուրջին ոսկին ու ձին տիրապըտեց:

Առավոտը որ համամշին գնաց դպա համամը, տեհավ փախաւ միջին մի կոլուած բան կա. բաց արեց, տեհավ մի սիրուն տղա ա, անջաղ նվում ա:

Շըլակեց, տարավ իրանց տունը, կնկանը ասեց.— Ա՛յ կնիկ, էս լավ էլավ, մեզ տղա չունեինք, աստված տա՛ր՝ լավանար, կըլնեիր մեզ տղա:

Պահեցին իրանց տանը, դեղ արեցին, հինգ վեց ամսվա մեջը անջախ դրա յարեքը սաղացան: Տղեն վե կացավ, յավաշ-յավաշ ման էր գալի: Մեկ օր դպա բազար գնաց, բիրդան էդ դռնապանը պատահեց:

Տենալուն քիմի դռնապանը ճանանչեց.— Ա՛յ հա՛յ,— ասեց,— կէթա Թագավորին գանգատ կանի, ինձ կկանչի, կսըպանի:

Էդ օրերը Թագավորը գյամին ղրկելու էր, որ էթա ծովի էն ղրաղիցը իրա հմար մի աղջիկ բերի:

Դռնապանը գնաց գյամչու կուշտը, ասեց.— Ըսքան ոսկի

կտամ քեզ, ասա՛, թե. «Դյամին չի էթում, մատաղ ա ուզում», համամշու տղեն բալթի բերես քցես ծովը:

Դյամչին էթում ա թագավորի կուշտը, գլուխ ա տալի, կաննում ա:

Թագավորն ասում ա.— Հը՛, ի՞նչ կա:

Ասում ա.— Թագա՛վորն ապրած կենա, գյամին չի էթում: Օխտը տարին մի հետ մի տղա մատաղ ենք տալի ծովին, էս ա օխտը տարին թամմել ա, մի տղա պտի մատաղ տանք:

Ասեց.— Ախար մեղք ա, ըտենց բա՞ն կըլնի:

Ասեց.— Դո՛ւ գիտաս, առանց մատաղի գյամին չի էթա:

— Դե որ ըտենց ա,— ասեց թագավորը,— զնա մեկին տար, քցա ծովը:

Դյամչին էկավ համամշու տղին վե կալավ տարավ գյամու մեջ:

Տեհավ տղեն շատ սիրուն ա, դուրեկան, ասեց.— Մեղք ա, խի՞ քցեմ ծովի մեջ, կտանեմ, բրախ կտամ ծովի էն յանը:

Վեր ա ունում, տանում ա, գյամուցը հանում, բրախում: Տղեն էթում ա էդ քաղաքի մեջ ման ա գալի, տենում ա մի մարդ մի ղութի շըլակել ա, ման ա գալի, բղավում ա. «Առնո՞ղն էլ ա փոշման, ծախո՞ղն էլ ա փոշման»:

էդ տղեն մոտանում ա, ասում ա. «էդ ի՞նչ բան ա, որ առնողն էլ ա փոշման, ծախողն էլ»:

Ասում ա.— Ես էլ չեմ գիտում:

Թե.— Բա ի՞նչ ա դրա գինը:

Թե.— Ինչ կտաս, տո՛ւ:

Տղեն հանում ա մի քանի ոսկի ա տալի, առնում, բերում ա դնում գյամու մեջը: Թագավորի նազիր-վեզիրը թագավորի հմար աղջիկ են ջոկում, բերում գյամին դնում, քշում: Էդ տղեն էլ էթում ա մի քյոշա, նստում: Մնում ա մինչև իրիկուն, մութը ընկնում ա, էդ տղեն ղութու դուռը բաց ա անում, տենում ա՝ էս ա մի աղջիկ կա միջին, շուտես, լիմես, կաննես խադ ու խալին թամաշ անես: Նստում են իրար հետ հաց են ուտում: Բիրդան գյամչին գալիս ա տենում էդ աղջիկն ու տղեն իրար հետ հաց են ուտում, աղջկան տենալուն պես՝ խելքը գլխիցը էթում ա:

Կաննում թամաշ ա անում, տղին ճանախում ա, ասում ա.— Էս էն տղեն ա, որ պտի քցեի ծովը, հմի կքցեմ, աղջիկը կառնեմ:

Թողում ամ, էթում:

Աղջիկն ասում ատղին.— Գլխիդ ճարը տե՛ս, գլամշին քեզ պտի քցի ծովը: Ըտեղարենք ման արի տես, հաստ քոթով կա՛ գտի, բե՛ր, դի՛ քու տեղաշորի մեջը:

Տղեն ման ամ գալի, գտնում ամ, բերում ամ դնում տեղաշորի մեջը, ինքը մտնում ամ ղութու մեջը, աղջկա հետ, նեքսեիցը դուռը շինում են: Գշերվա մի վախտը գլամշին գալիս ամ, տեղաշորով հգին-հգին վերնում, շրպուտում ամ ծովի մեջը:

Առավոտն աղջիկը ղութուցը դուս ամ գալի, ղութու մոտին նըստում ամ: Գլամշին գալիս, տենում ամ աղջիկը մենակ նստած ամ, էլ կարծիք չի տանում, որ ատղին քցել ամ ծովը:

Ծովից դուս գալու ժամանակը գլամշին աղջկանն ասում ամ.— Արի՛ էթանք մեր տուն, ես պտի քեզ առնեմ:

Աղջիկն ասում ամ.— Ծանոթ տեղդ մի թեթևացնի, ես քեզ առնելու կամք չունեմ:

Դե՛ս, դե՛ն, տեսավ որ աղջիկը խոսք չի տալի, վե կացավ, գնաց դուռ թագավորի մոտը, գլուխ տվեց, ասեց.— Թագավորն ապրած կենա, մի հատ աղջիկ կա գլամու միջին, շատ սիրուն ամ, համարյա քեզ հմար բերած աղջկանից տասը դաթ սիրուն ամ:

Թագավորը վեղրին ղրկեց, վե կալավ, բերեց:

Աղջիկը երոր մտավ նեքսե, գլուխ տվեց, բարև բռնեց, կաննեց. ղութին էլ հետը բերել էր:

Թագավորը հրամայեց, թե՛ նստի: Գնաց իրա բերած ղութու վրա նստեց, ասեց.— Խնդրեմ սրանց ճամփու դի՛ր, քեզ հետ խորուրդ ունեմ:

Թագավորը ճամփու դրեց դրանց, աղջիկը սկսեց պատմել միջի տղի գլխի էկածը, ասեց.— Թագավորի մեկին էրկու տղա ունեք, շալկոնում նստած միջոցին տեհավ՝ մի լակլակի բուն կար բարդի ծառի վրա, լակլակը ճուտերը հանել էր. մի վախտ անցկացավ, սրանց մերը սատկեց, գնաց մի ուրիշը բերեց, էն բերածը մի էրկու օրից հոգ ճուտերին սըպանեց, բնիցը վե քցեց<sup>1</sup>:

Թագավորը երոր լսում ամ էս բոլորը, թախտիցը վեր ամ թըռնում, ասում ամ.— Էդ իմ աղպերն ամ, ո՛ւր ամ:

Աղջիկն ասում ամ.— Էս ամ, ղութու միջին:— Վեր ամ կենում,

<sup>1</sup> Այսպես կրկնում է ամբողջ հեթաթը, փոքր-ինչ համառոտելով (Մ. Բ.).

դուռը բաց անում, պուճուր աղպորը հանում. փաթըթվում են  
խրար:

Մի քանի օրից եղը թագավորը պսակվում ա, մի քանի օրից  
եղն էլ պուճուր աղպորն են պսակում: Օխտն օր, օխտը գշեր հար-  
սանիք են անում, ուտում են, խմում են:

Աստանից իրեք խնձոր ընկավ, մեկն՝ ասողին, մեկը՝ լսողին,  
մեկն էլ՝ անկաջ դնողին:

